



U



Uantus vir *Calvinus* apud suos habitus fuerit, id satis demonstrant Calvinianæ hæreseos coryphæorum epitheta eidem attributa. *Petr. Martyr. T. 2. L. Th. in L. d. Voc. & Cæl. p. 1424. D. vocat Calvinum præstantem & nobilem suorum temporum sacrarum literarum expositorem. Et p. 1402. F. egregium Doctorem T. 3. de L. Arb. non tantum Genevensis, sed & totius Ecclesiæ ornamentum. Th. Beza in tr. Theol. Vol. I. L. d. heret. à Mag. puniend. disputans contra Mart. Bellium eum vocat Theologum iudicii & fidei plenum. Vol. II. Apol. 2. ad Claud. de Xaint resp. p. 380. magnum heroem p. 333. maximum Theologum & optimum virum. Et quod mirandum ipsi Pontificij, (qui aliàs *Lutherum* *Calvino* præferunt, dum illum in purgatorium, hunc totaliter in infernum detrudunt, uti effigies illa, quam *Stanislaus Rescius Presbyter l. d. atheismus & phalarism. Evangel. Neapol. 1596. ed. adjunxit, demonstrat) Calvinum* (quod de *Luthero* nostro in eorum scriptis vix legimus,) vocant virum providà mente, ingenio perspicuo, stylo puro, facundiâ magnâ pollentem & in lectione multarum rerum versatum. ita *Panigarola lect. 2. Florimundus Raimundus Senator Burdegalsis. l. 7. d. hæres. b. temp. c. 10. acri & vivido dicit Calvinum fuisse ingenio, in respondendo promptum, ad aggrediendum audacem, magnum jejunatorem etiam ab ipsâ adolescentiâ, virumq; commendatione dignum. Hæc ille. Audite ergo vos Calviniani, omnesq; Calvinisequæ, vestrum maximum Theologum, eiq; pulcherrimis ejus floribus sertum plectite vestræ eruditioni congruum, ut verba *Crocij de script. hom. Calvin. p. 38. retineam, audite, inquam, eum & percipite, qualia capita doctrinæ Orthodoxæ (scilicet) sit propositurus. Videte, quo fundamento vestra doctrina superstructa sit, & quomodo ex omni hæresi vos hæretici VENENA COLLIGATIS & exsugatis. Monstrabo illud proponendo Symphoniam quandam, quæ inter vestram Calvin. religio.***

A 2

ligio.